



16. august 2019

UKA 2019/55

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matu-muuna saqqummiuppara:

**Kalaallit Nunaanni politimesteri nunap ilaani aalajangersimasuni immikkut
akuersissuteqartarsinnaannera periarfissaqartillugu nunami maani inunniq angallassissutini biilini
assakaasut quaannaveeqqutillit atoqqusaajunnaarnissaat siunertaralugu naalagaaffeqatigiinni
oqartussaaffinnut saaffiginneqqullugit Naalakkersuisut peqquneqarnissaannik Inatsisartut
aalajangiiffigisassaattut siunnersuut.**

(Inatsisartunut ilaasortaq Steen Lynge, Demokraatit)

Tunngavilersuut

Maani Kalaallit Nunaanni amerlasuut - immaqa amerlanerpaat - ukiukkut assakaasut
quaannaveeqqutillit atortarpaat. Biilit tunngalluarnerusarput bremsernermilu uningasuarnerusarput,
aqqusineq quasatsillugu. Assakaasunilli quaannaveeqqutilinnik atuineq ajornaatsuinnaanngilaq:
Ilisimaneqarormi assakaasut quaannaveeqqutillit aqqusinerneq assut nungullarsaasartut
pissutaasarlutik asfalerinermut aningaasartuuteqarujussuartarnermut.

Assakaasunilli quaannaveeqqutilinnik atuinerup kinguneranik asfaltimerngit ujaraaqqallu pujoralaat
silaannarmut teqqlasarpus iijoraneqartarlutillu - taakkulu biilit eqqarfianeersutut pujutut
ulorianartigaat. Isumaqtartoqarpoq pujoralak aqqusinerneersoq puallulertarnermut pissutaasinnaasoq
amma pualluutinik ajornerulersiinnarani aamma uummalluutinik ajornerulersitsisinnaasoq.

Ajornartorsut tamanna nunatsinni maannamut eqqarsaatigisorsuusimanngilarput - Norgemili
Sverigemilu ukiut 20-t kingullit ingerlanerini illoqarfinni assakaasunik quaannaveeqqutilinnik atuineq
killilersimaarniarneqarnikuuvooq.

Soorlu Norgemi illoqarfinni Oslomi, Trondheimimi Bergenimilu quaannaveeqqutilinnik assakaasunik
atuineq akitsuuteqartinneqarmat illoqarfinni pineqartuni quaannaveeqqutilinnik assakaasunik atuineq
appariarujussuarsimavoq. Sverigemi Stockholmimi, Uppsalami aamma Gøteborgimi aqqusineeqqat
aqquserngillu ilaanni quaannaveeqqutilinnik assakaasoqarluni biilerneq inerteqquataavooq.¹

Sverigemi paasisimasallit akornanni oqallinnermi illersorneqarpoq assakaasut quaannaveeqqutillit
atugaanerat inerteqquataalissasoq.²

¹ Paasissutissat Nordisk Ministerrådip nalunaarusiaaninggaanneerput saqqummersumi 2016-mi:
"Road dust and PM10 in the Nordic countries. Measures to reduce road dust emissions from traffic."

² Soorlu Dagens Nyheterimi pingarnertut allaaserisami november 2013-meersumi allaaserineqartoq nakorsaatinut
professorimit soraarnermit Bengt Fagrellimit.



Kisianni inerteqquteqarnermi aqqusinikkut angallannerup isumannaatsuunissaanut qanoq sunniuteqassava? Tamanna misissorneqarnikuovoq. Norgemi misissuinerit marluk³ takutippaat assakaasunik quaannaveeqqutilinnik atuineq affaannanngortinneqarpat aqqusinikkut angallannermi ajutoortarnerit 0,5 %-mik minnerusumik qaffattartut aamma aqqusinikkut angallannermi ajutoornerit kinguneranik inuit ajoqusertarnerat 2 aamma 3 %-t missaani qaffariartartoq.

Qaffariaat qaffasissutut oqaatigineqarsinnaanngilaq - qaffariaallu assakaasunik quaannaveeqqutilinnik atuinerup peqqinnangissusianut naleqqersuuttariaqarpoq. 2018⁴ misissuinerup takutippaa Skandiviam biilit quaannaveeqqutilinnik assakaasoqartinneqartarnerisa kingunerinik inuit inunngorneranniik toqunissaasa tungaanut agguaqatigiisillugu sivikinnerusumik inuuneqalersarnerannik kinguneqartartoq sipaarutinut naleqqiullugu⁵.

Ilisimasaq tamanna sianiginngitsuusaassanngilarput. Isumaqarpunga piffissangortoq aamma nunatsinni inerteqquteqalernissatta oqluuserinissaanut.

Nunatsinni ukiut kingulliit ingerlanerini inuinnaat biilii amerleriapiloornikuupput aamma Kalaallit Nunaanni Naatsorsueqqissaartarfiup kisitsaatai naapertorlugit ullumi inuinnaat biilii 5000 sinnillit nalunaarsorneqarnikuupput. Taakku saniatigut lastbiileqarpoq assartuutinillu il.il. biileqarluni 1.500-t sinnilinnik. Aqqusinikkut angallatit motoorillit amerlaqaaq aqquserngit takissusaannut naleqqiullugu aamma biilit ilarpassuit ukiukkut⁶ quaannaveeqqutilinnik assakaasoqartinneqartarput. Pissutsit tamakku tamarmik sunniuteqartarput aqquserngup qaavaneersunik partikkilinik silaannarmut teqqalasunit sunnerneqartarnitsinnut.

Tamanna tunngavigalugu isumaqarpunga aamma nunatsinni inuinnaat biilisa quaannaveeqqutilinnik assakaasoqartarnerisa inerteqqutaasalernissaat tulluassasoq. Nalungilara isumannaatsuunissaq pillugu politiit innersuussutigisaraat assakaasut quaannaveeqqutillit atorneqartarnissaat kisianni Norgemi Sverigemilu misilitakkat takutippaat, assakaasunik quaannaveeqqutilinnik atuisoqarnerata kinguneranik isumannaallisaanikkut iluaqtissarsivigineqartarnerat anniktsuaraasoq atuinerup peqqinnangissusaanut naleqqersuussigaanni.

³ "The safety effect of studded tyres in Norwegian cities", Lasse Fridstrøm, 2000, kiisalu "Effects on accidents of reduced use of studded tyres in Norwegian cities", rune Elvik, 2011. (Misissuinermi taakkunani marlunni misissuvigineqarput Oslo, Drammen, Stavanger, Bergen og Trondheim. Misissuinermi siulermi misissusoqarput ukiut 1991/-92/-93 til 2000, aappaani piffissami 2002-miit 2009-mut misissusoqarpoq).

⁴ "Live and Let Die? Life Cycle Human Health Impacts from the Use of Tire Studs". Furberg, Arvidsson, Molander, 2018.

⁵ Sverigemi assakaasunik quaannaveeqqutilinnik atuineq inuup inuuneranik 60-niik 770-nut sipaarutaasarpoq taamaakkaluartorli akeqartarpoq inuit inuunerini ukiunik 570-niik 2.200-nut (sunnyutit ajortut 23-33 % pissuteqarput koboltimik piaanermik, kobolt atorneqartarpoq assakaasunik quaannaveeqqutilinnik sanaartornermi taamaattumik aamma Sverigep avataaniittunik eqquisarpoq).

⁶ Assakaasut quaannaveeqqutillit atoqquaasarput piffissami 1. oktobermiit 30. aprili tikillugu.



Nioqquuteqaqqusiunnaavinneq illoqarfiit ilaanni ajornartorsiutitaqarsinnaavoq. Tassani eqqarsaatigaara soorlu Tasiilaq, assut sivingasunik ataasiakkaanik aqqusineqartoq ukiukkut quatserluinnartartunik. Taamaattumik siunnersuutigaara Kalaallit Nunaanni Politimesteri najukkani immikkut akuersissuteqarsinnaatitaassasoq, illoqarfiit ataasiakkaat inerteqquuteqarnermit eqqugaaqqunagit, najukkami pissutsit immikkuullarissut pissutigalugit.

Taamatut oqaaseqarlunga siunnersuut Inatsisartunut suliassanngortippa nerullunga Naalakkersuisut partiillu sinneri ilalijumaartut.

Pisortanut aningaasaqarnikkut allaffissornikkullu kingunerisassai

Siunnersuutip kinguneranik Naalakkersuisut naalagaaffeqatigiinni oqartussaaffinnut qinnuteqartariaqassapput Kalaallit Nunaanni aqqusinikkut angallatit motoorillit ilusaat atortuiliu pillugit nalunaarut atuuttoq allanngortinniassagunikkut. Allaffisornermi nukiit tassunga atorneqartussat ilinniagartuup ukiup 1/12-ani sulineranit akisunerunissaat naatsorsuutigineqanngilaq.

Siunnersuut pissutaalluni kommunit aqquserngit aserfallattaalinerannut aningaasartuutigisartagaasa sipaarfigineqarnissaat naatsorsuutigineqarsinnaavoq (asfaltilersuinermut)⁷.

Inuussutissarsiornermut aningaasaqarnikkut allaffissornikkullu kingunerisassai

Assakaasut quaannaveeqqutillit biilini atoqqusajunnaarpata nunatsinni biilit atortuinik nioqquuteqartartut nioqquuteqassaanngikkunik ikittuaqqanik assakaasunik quaannaveeqqutilinnik nioqquuteqartalissapput. Paarlattuanik assakaasut ukioriutit allat nioqquutanerat qaffassaaq. Ataatsimut isigalugu inerteqquuteqarneq najukkami nioqquuteqartartunut imatut sunniuteqarnaviangnilaq.

Nioqquuteqartartut toqqorsivimminni uninngasuutigisinnaasaat pillugit inerteqquuteqarneq atortussanngortinneqassaaq naammattumik siusinaarluni nalunaaruteqaqqaarnikkut.

Innuttaasunut aningaasaqarnikkut allaffissornikkullu kingunerisassai

Biillilit ukiukkut assakaasunik quaannaveeqqutilinnik atuisartut atueqqusaajunnaarpata, akissaajartariaqassapput assakaasunut ukioriutinut quaannaveeqquuteqanngitsunut.

Assakaasut ukioriutit naliginnaasumik akikinnerupput assakaasunit quaannaveeqqutilinnit.

⁷ Nuuk Kommunimi taamani immikkoortortami pisortasup Sermitsiami 17. oktober 2007-mi allaaserineqartumi taggippaa kommunip aqqusinernut aningaasartuutaasa affaasa missaat pissuteqartut assakaasunik quaannaveeqqutilinnik atuinermik. Ukioq taanna aqqusinilerinermut atorneqarput 5 mio. koruunit.